

大清會典

禮部



大清會典卷之

禮部

祠祭清吏司

大祀

凡郊


天之禮。兆陽位於

南郊。圓以象

天。曰

圜丘。其制三成。歲以冬至祀

皇天上帝。奉



太祖高皇帝。

太宗文皇帝。

世祖章皇帝。

聖祖仁皇帝。

世宗憲皇帝。配以

大明。

夜明。

星辰。

雲。雨。風。雷。從祀。

上帝位第一成。居中南嚮。

列聖以昭穆序。東西嚮。

四從位第二成。

大明西嚮。

星辰在其次。

夜明東嚮。

雲。雨。風。雷。在其次。均設青幄。

上帝。蒼壁一。帛十有二。犢一。登一。簋二。簋二。籩二。籩二。籩。豆各十

有二。尊一。爵三。金鑪二。金鐙四。

列聖。均帛一。犢一。登一。簋。簋各二。籩。豆各十有二。尊一。

爵三。金鑪二。金鐙二。

大清會典  
大明

夜明均帛一。牛一。登一。簠。簋各二。籩。豆十。尊一。爵三。琖二十。鑪一。鐙四。

星辰帛十有一。

雲。雨。風。雷。帛四。均。牛一。羊一。豕一。登一。鉶二。簠。簋各二。籩。豆各十。尊一。爵三。琖三十。先祀一。日。鑿儀衛。陳大駕鹵簿於

午門外。玉輦於

太和門階下。巳刻。太常卿詣

乾清門。奏請

皇帝御齋宮。

皇帝龍袍。袞服。乘禮輿出。前引內大臣十人。後扈內

大臣二人。豹尾班侍衛二十人。佩弓矢侍衛二

十人。翊衛如儀。至

太和門階下。降輿乘輦。

駕發警蹕。

午門鳴鐘。大駕鹵簿前導。不陪祀。王以下文武各官。咸朝服。跪送。導迎鼓吹。設而不作。詣

南郊。入壇西門。至昭亨門。降輦。贊引。太常卿二人。恭導

皇帝。由外壝南左門入。詣

皇穹宇。

上帝

列聖前上香畢。行三跪九拜禮。兩廡

從位。遣分獻官。上香行禮。

皇帝詣

園丘。視

壇位。詣

神庫。視籩豆。並視牲牢。視畢。由內壝南左門出外

壝南左門。至神路西陞輦。詣

齋宮。陪祀王公百官。米服分班。祇俟

齋宮門外候

皇帝入宮。乃退。祀日。日出前七刻。太常卿詣

齋宮告時

皇帝御祭服。乘輿出齋宮。降輿乘輦。鑾儀衛校鳴

齋宮鐘。贊引。太常卿二人。恭導

皇帝至內壝南左門外。神路西降輦。入大次。俟禮部

尚書。率太常官。詣

皇穹宇。恭請

神位。安奉青幄畢。太常卿奏請行禮。

皇帝出大次。盥洗畢。贊引太常卿。恭導

皇帝由外壝南左門入內壝南左門陞午階至二成  
黃幄次拜位前立太常贊禮郎引分獻官四人  
由南右門入至階前夾道立鴻臚官引陪祀諸  
王貝勒位第三成階上貝子公位階下文武官  
位外壝門外均北面序立典儀官贊樂舞生登  
歌執事官各共廼職以下自燔柴至徹饌武舞  
八佾進贊引官奏就位

皇帝就拜位立乃燔柴迎

帝神司香官各奉香盤進司樂官贊舉迎

帝神樂奏始平之章凡舉樂皆司樂樂作贊引官奏陞

壇恭導

皇帝詣第一成

上帝位前司香官跪進香贊引官奏跪

皇帝跪奏上香

皇帝上柱香次三上辨香興以次詣

列聖配位前上香儀同贊引官奏復位

皇帝復位立樂止贊引官奏跪拜興凡陞壇復位行禮均有奏後同

皇帝行三跪九拜禮王公百官均隨行禮奠玉帛奏

景平之章

皇帝陞

壇詣

上帝位前奉玉帛官跪進篚

皇帝跪受篚奠玉帛興以次詣

列聖配位前奉帛官跪進篚

皇帝跪奠帛興復位樂止乃進俎

皇帝轉立拜位旁西嚮有司貯羹於壺恭執自壇下

陟午階登壇詣

上帝位

列聖位前跪拱舉興以羹沃俎者三退由西階降

皇帝復位立樂作奏咸平之章

皇帝陞

壇詣

上帝

配位前跪進俎興復位樂止行初獻禮奏壽平之章舞

干戚之舞

皇帝陞

壇詣

上帝位前執爵官跪進爵

皇帝跪獻爵奠正中興退就讀祝拜位立司祝至祝

案前一跪三叩奉祝版跪案左樂暫止

皇帝跪。羣臣皆跪。司祝讀祝畢。興。奉祝版。跪安於上帝位前。三叩退。樂作。

皇帝率羣臣行三拜禮。興。詣

配位前。以次獻爵。儀同。

從位贊禮郎引分獻官。由東西階陞壇。詣各

神位前。上香。奠帛。以次獻爵。畢。降階。退立原位。樂止。

武功之舞退。文舞八佾進。行亞獻禮。奏嘉平之

章。舞羽籥之舞。

皇帝陞

壇。以次獻爵。奠於左。儀如初獻。復位。樂止。行終獻禮。奏

永平之章。舞與亞獻同。

皇帝陞

壇。以次獻爵。奠於右。儀如亞獻。復位。分獻官獻爵。均如

初樂止。文德之舞退。太常官贊

賜福胙。光祿卿二人。就東案奉福胙。進至

上帝位前。拱舉。

皇帝詣飲福受胙。拜位立。侍衛二人。進立於左。奉福

胙官降立於右。

皇帝跪。左右執事官咸跪。右官進福酒。

皇帝受爵。拱舉。授左官。進胙。受胙亦如之。三拜。興。復



位率羣臣行三跪九拜禮。徹饌。奏熙平之章。有司詣。

上帝位前奉蒼璧退。樂止。送。

帝神。奏清平之章。

皇帝率羣臣行三跪九拜禮。樂止。轉立拜位旁。西嚮。

有司奉祝次帛。次饌。次香。恭送燎所。奏太平之

章。

皇帝復位立。

從位香帛。均由東西階奉送至燎鑪。祝帛燎半。奏望

燎。恭導。

皇帝由內壝南左門出。至望燎位。望燎。奏禮成。引入

大次更衣。禮部尚書率太常官恭請。

神位安奉。

皇穹宇。

皇帝出昭亨左門外。陞輿。大駕鹵簿前導。導迎樂作。

奏祐平之章。

皇帝回鑾。王公從。各官以次退。不陪祀。王公百官仍

朝服於。

午門外跪迎。

午門鳴鐘。王公隨。

駕入至內金水橋。恭候。

皇帝還宮。各退。

大清會典  
卷一百一十五  
禮部  
皇帝還宮

